

www.BibleForChildren.org


San Mateo 8




Bay cuanyat pueblo Caná cajc Galilea cutar fiesta yajacro. Uwat wiya yehwíc fiesta yajacro. Jesús ab cat fiesta cutar ésatro. Jesús cat, Jesús chiwa cat chíjacro, fiesta yajcayta acu. Eyin cat ésatro.



Fiesta anto bahnti cuat, chistár ub rihar bacú bar
bahnajacro. Bahnyat Jesús abát Jesús quin wajacro:
—Ahra chistár ub rihar bacú batro, wajacro. Etat
Jesús abát cacmín quin wajacro: —Jesusat ba quin
icúr yajc áyictara baat eyta yajwi, wajacro.



Jesús abát cacmín quin Jesusat ayic eyta yajquín wacayat, Jesusat eyin quin wajacro: —Cumít sar rih cuin tijcawi. Eyta wacayat éyinat cumít bahnác sar rih cuin tijcajacro.



Etar eyin quin wajacro: —Ahra rih ey
sicar bin toc istiy uwi. Uquir ira
tahwuquib quin béowi, wajacro. Eyta
wacayat, éyinat rih újacro. Uquir ira
tahwuquib quin béjecro.



Ira tahw̃uquib yahn acu wíjacro. Wícayat eyat yahjacro. Chistár ub rihar bacú eya biscán bíntara istítiro. Istiti cuar yahjacro. Ira tahw̃úquibat istiti cuar cacminát itchacro. Eyinat ítitan, Jesús urá cut rihan bacú arjacro.



Ira tahw̃úquibat bisar bíntara istiti rehquít, wiya yehw̃jaquey chíjacro. Chiír wicayat ey quin wajacro:

—Cahujinat bacuá ayan cuít bi uw quin ibtu wícaro. Ay bi wiquir uwat bacuan to yahr cutar bacuá ayan étai cuti ey wícaro. Eyta cuara baat éytara wítiro. Bahat ayan cuít bi ubar ojcor wícaro, wajacro.



Jesusat rihan chistár ub rihar bacú eyta arjacro.
Pueblo Caná caje Galilea cutar eyta
arjacro. Eyta aríc cutar,
imát Sir urá cut bahnác
bar yajcata ehcujacro.





Anto ehcuti bin ehcujacro. Erara ima ayan tahnác
eyta ehcujacro. Rih aryat, ima
chawat Jesús tamo
síhwajacro: "Sirat Cara
Ayin Wajaquin uyan
eyro," síhwajacro.



Jesusat eyta waquí, acsar Pedro usi
bijacro. Erar cur ítitan, Pedro áñiya
cuhmác si yatro. Tiuír yatro.




Eyta istír Jesusat Pedro áw̃iya eya at cut butajacro.
Jesusat butayat, tíucan bar etchacro. Tiuír yarquey
etyat eya cui yehnjacro. Cui yehnár Jesús ac ira anír
wíjacro.




Tino rahsa rauyat,
uwa yarquin bahnaquin
cat, uwa cuicá ji bi cat
Jesús quin rojocro.
Cahujinat rojocro.
Capernaum uwan
bahnáquinan Simón
querat acor
sécuajacro.



Etaran Jesusat uwa restán ajquír bin, restán ajquír
bin yarquin tan jájacro. Cuicá cat uw urá sar bin
újacro. Cuicát Jesusan rehrtár itchacro. Eyta itchác
etar Jesusat eyin quin tew̃ áytiro.




Jesusat Sir urá cut uwa tan chájacro. Yarquin bahnaquin tan chájacro. Etar uw bahnáquinat Jesús buta cun rehjecro, tan jaquin acu.



Ehwayat serin cuisa bacáy binat cuercurey Jesús
quin rojocro. Cuercurey quejtirat yárquinro. Etar
bitách béjetro. Bejer reht serin cuisa bacáy binat
Jesús quin yehw̃ rojocro.



Eyta cuar ey sérinat Jesús quino
bitách cúwajatro. Ricán to etar bitách
cúwajatro. Cúwajar reht ubach arcutar
waajacro. Waar cat Jesús arcutar ucar
cuijacro. Cuir cuercúr caros cutar
sámaca oso
áyjacro.




Ser éyinat cat, cuercurat cat síhñajacro: "Jesusat cuercúr tan chácayqueyra," síhñajacro. Sérinat eyta síhñacan Jesusat itchacro. Istír cuercúr quin wajacro: —Sahú, bahat ur ay bár yajáqueyra tayar bár chájacro, wajacro.




Bachan chihtán siw̃quin quin eyta waquí, cuercúr
quin wjacro: —Aját bah
quin wacaro. Tan chañi.
Cui yehnwi. Behmá
caros yehwi. Usi
biwi, wjacro.




Etar Jesús cat, chiwa cat canó sar raújacro. Rauwir
rahray cuwín béjecro. Bécatyat
séroan abáy cab rehti cajacro.
Séroan abáy cacayat riw
sobásoban racyan canó
icar raújacro. Eyta cuar
Jesusan canó sar camro.



Jesús ajc wiquír yehnjacro. Yehnár ítitan, séroan
abáy cajacro. Eyta cuácayat sero chihr áyjacro. Riw
quin wajacro: —Soboti jañi. Catoti jaña, wajacro.
Etatan séroa bar chihrjacro. Riwa sobasob
bin sicor bar chihrjacro.
Etaran Jesusat chiwa
quin wajacro:
—¿Bitara rehtan ay
wínica? -wajacro-.



Baat Sir tamo ay síh̃wati binro, wjacro. Séroa
chihryat, riw sobasob chihryat chiwa eyin ub
yeh̃w̃jacro. Rahra rahra wjacro: —¿Ser ucha bitara
bíntara? Séroa cat riw sobasob bin ey
chihtá cuitar chihrjacro.
¿Bitara bíntara?
wjacro.



Síratan uw
bahnaquin sehnacro.

Uw sehnác rehquít, ima wacjá istán ey
áyjacro. Caruc ojcor yehwír yauwayta
acu áyjacro. Etar bíyinat "eyat as
bar síwataro," síhwayatan eyin
sutá báreyra. Sir owár
etiti ohbac ítayqueyra,
-wajacro-.



Romanos 3:23 Owara binat Sir ub cahmor ur ay bár rehjecro. Etarwan Sir owár itay béyajar rehjúquinro.

Romanos 6:23 Isat ur ay bár yajquíc tehmár sácayqueyra. Cuat Sirat is sehnác rehquít, táyara chiti ima jor cuacúr bur cut suw cut itay beyáyqueyra. Cara Jesucrístoat isat tayar yajaquey tunjac etar, cuacúr itay beyáyqueyra.

Hebreos 9:27 Eyta cat Sirat uw bahnáquinan icar istán chinín acu waquír chájacro. Chinyat Sirat uw eyin urá wahitín acu waquír chájacro.



Efesios 2:8,9 Sirat ba sehnác rehquít síujacro. Baat ey chihtá rahcuíc etar ba síujacro. Behmár urá cutari síutiro. Cuat Sir imát ba sehnác rehquít síujacro. Behmarat bitara útara ay yajác étari síutiro. Eyta chihtara, baatán behmár ojcor ay téwajatro. "Isat ur ay yajác tehmár Sirat is síujacro," wácajatro.

Romanos 10:9,10 Eyta chihtara baat cuw cutar, "Jesús as cáraro," wacata binro. Ur icar cat "Sirat Jesús sisor estají yehn ayjac," síhñata binro. Eyta wacayat, eyta síhñayat ba bar síwayqueyra. Uwat ur icar Jesucristo chihtá rahcyat tayar bár chácáro. Cuw cutar uw quin "as Jesús chíwaro," wacayat bar síwayqueyra.



San Juan 3:16,17 Síratan uw bahnaquin sehnacro. Uw sehnác rehquíit, ima wacjá istán ey áyjacro. Caruc ojcor yehwír yauwayta acu áyjacro. Etar bíyinat "eyat as bar síwataro," síhwayatan eyin sutá báreyra. Sir owár etiti ohbac ítayqueyra, -wajacro-. Sirat ima wacjá cajc uch cutar uwat táyara yajác ques tecuan acui áytiro. Uw siwin acu áyjacro. Ay bár yajác táyara tunin acu áyjacro.

1 Juan 5:11-13 Sirat is quin uchta wajacro. Isra ima owár ohbac etiti itin ac ajc waajacro. Ima wacjá chihtá cuitar uwa eyta itin ajc waajacro. Sir wacjá biyin ur icar chácayatan, éyinan Sir owár ohbac etiti ítataro. Cuatán Sir wacjá biyin ur icar chati cuácayatrún éyinra Sir jor ítajatro. Jesusan Sir wacjá síhwaquin ac aját eyta cuihsujacro. Baan Sir owár ohbac ítata ey istayta acu cuihsuro. Eyta síhwayta acu cuihsuro.



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.
Tunebo Central NT (tuf) © 2011, Wycliffe Bible
Translators, Inc. All rights reserved.

<https://live.bible.is/bible/TUFWYI/MAT/1>

©2025 Bible for Children, Inc.

www.M1914.org

www.bibleforchildren.org

